



ՎՈՂՈԿՈՂԱՄՍԿԻ ԵՎ ՅՈՒՐԵՎԱԿԻ ԳԵՐԱՇՆՈՐՀ
ՊԻՏԻՐԻՄ ՄԻՏՐՈՊՈԼԻՏԻՆ

Ձերդ Սրբազանություն,
Մույն ամսվա սկզբին Մենք հոգեկան ուրախությամբ լուր ստացանք Ձեզ Վոլոկոլամսկի և Յուրեսկի Միտրոպոլիտի աստիճանի բարձրացնելու մասին:

Վերջերս լինելով Մոսկվայում, որպես «Համուն միջուկագերծ աշխարհի» միջազգային համաժողովի մասնակից, Մենք հանդիպեցինք Ձեզ մի ակնթարթ, սակայն Ձեր արտակարգ և հասկանալի զբաղվածությունը հնարավորություն չտվեց սրտագին ջնորհավորելու Ձեզ Ձեր կյանքի այդ նոր, շնորհատու էջի համար:

Ընդունեք, Սրբազան Տեր, այժմ Մեր անկեղծ շնորհավորանքները Ձեր կյանքի նշանակալից դեպքի համար:

Մենք բարձր ենք գնահատում Ձեզ, որպես Ռուս Պրավոսլավ Եկեղեցու առավել գիտուն, առավել հոգեշնորհ բարձրաստիճան հոգևորականներից մեկը, որի հոգևոր և գիտական հեղինակությունը հանրաճանաչ է նաև մեր երկրից դուրս: Մենք բարձր ենք գնահատում նաև Ձեր անխնջ գործունեությունը Մոսկովյան Պատրիարքարանի հրատարակչական բաժնի նախագահի պաշտոնում, որը Դուք վարում եք Ձեզ հատուկ իմաստությամբ և խանդավառ աշխատանքով:

Օգտվելով առիթից, ցանկանում ենք հաշտնել, որ Մենք ջերմ սրտով նշում ենք Ձեր սիրալիր ուշադրությունը մեր Եկեղեցու և Մեր անձի նկատմամբ, որ Դուք բարեհաճում եք ցույց տալ յուրաքանչյուր խոթով:

Ամբողջ հոգով ցանկանում ենք Ձեզ քաջառողջություն և երկար անամպ տարիներ՝ Ս. Եկեղեցուն Ձեր ծառայության համար:

Սիրով ի Տեր՝

ՎԱԶԳԵՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ